


Visoka škola računarstva i poslovnih komunikacija eMPIRICA nudi jedinstvene studijske programe u BiH

Nakon opsežnih priprema, koje su uključivale opremanje učionica i ICT laboratorija savremenom nastavnom i ICT opremom, te obuke nastavnog osoblja za uspješno izvođenje studija na daljinu na vlastitoj platformi za učenje eCampus (www.ecampus.ba), nastava za prvu generaciju studenata **Visoke škole računarstva i poslovnih komunikacija eMPIRICA u Brčko distriktu BiH** (www.empirica.ba) je uspješno započela u oktobru ove godine. Kroz svoja dva studijska programa – Poslovna informatika i Inženjerska informatika – Visoka škola eMPIRICA svojim studentima pruža mogućnost da, pored generičkih, steknu kvalitetna stručna znanja i vještine uz korištenje programskih alata u postupku upravljanja računarskim i komunikacijskim sistemima. Prvenstveni cilj Visoke škole računarstva i poslovnih komunikacija eMPIRICA je pružanje visokog obrazovanja studentima, u skladu sa Bolonjskim procesom, prema najvišim evropskim standardima, koristeći isprobanu metodologiju svog suosnivača – Visoke škole za poslovne vede iz Ljubljane, kao i visoko cijenjene svjetske prakse učenja na daljinu. Osim redovnog studija, Visoka škola eMPIRICA svojim studentima omogućava i da studiraju uz rad, što je jedna od najvećih pogodnosti studiranja na daljinu, jer omogućava neovisnost, dakle mogućnost izvršavanja radnih zadataka, i neometano prisustvo nastavnom procesu, što pruža mogućnost visokoškolskog obrazovanja onima koji zbog radnih ili drugih obaveza ne mogu studirati na klasičan način. Jedinstvenost studijskih programa koje Visoka škola eMPIRICA izvodi ogleda se u slijedećem:

- Transnacionalni studijski program **Poslovna informatika** na Visokoj školi eMPIRICA je jedini studijski program poslovne informatike u BiH koji studentima nudi dvojnu diplomu po završetku studija - diplomu licencirane visokoškolske institucije iz BiH (Visoka škola eMPIRICA) i diplomu akreditirane visokoškolske institucije iz EU (*Ljubljana School of Business*).
- Studijski program **Inženjerske informatike** na Visokoj školi eMPIRICA je jedini inženjerski informatički



Visoka škola eMPIRICA



Studenti u ICT labu

studij u BiH koji studentima omogućava da u okviru studija, kroz odabrana četiri predmeta, pohađaju program Cisco akademije mrežnih tehnologija, i to besplatno. Nastava na navedenim predmetima se odvija prema međunarodnom programu Cisco akademije mrežnih tehnologija, korištenjem jedinstvenih obrazovnih resursa i originalne Cisco mrežne opreme.

Dvojna diploma na transnacionalnom studijskom programu Poslovna informatika

Visoka škola eMPIRICA i Visoka škola za poslovne vede iz Ljubljane dobili su od Nacionalne agencije Republike Slovenije za kvalitetu u visokom obrazovanju NAKVIS (www.nakvis.si) odobrenje da mogu na Visokoj školi eMPIRICA izvoditi transnacionalni studij za studijski program Poslovna informatika.

Studenti Visoke škole eMPIRICA, na osnovu te odluke, istovremeno se administrativno vode kao studenti obje visoke škole, i po okončanju studija dobijaju dvije diplome:

- diplomu Visoke škole eMPIRICA
- diplomu Visoke škole za poslovne vede iz Ljubljane (*Ljubljana School of Business*).

Osim toga, studenti Visoke škole eMPIRICA će imati

iste mogućnosti kao i studenti Visoke škole za poslovne vede u Sloveniji, kada je riječ o uključivanju u Erasmus program razmjene studenata, u kojem participira Visoka škola za poslovne vede iz Ljubljane.

Sam proces sticanja NAKVIS odobrenja je bio dugotrajan i zahtjevan. Visoka škola eMPIRICA je tokom tog procesa bila u obavezi dokazati kvalitetu svog nastavnog kadra i fizičkih resursa, što je i učinila. Samim izdavanjem odobrenja, NAKVIS nalaže da se nastava izvodi u skladu sa standardima propisanim od strane ove agencije, što se kontinuirano prati i evaluira putem metodologije za provjeru kvaliteta u visokom obrazovanju. (slika odobrenja)

Studentima studijskog programa Poslovna informatika, koji su studij upisali u akademskoj 2012./2013. godini, Visoka škola eMPIRICA je finansirala jednokratne troškove upisnine za dvojni diplomu na Visokoj školi za poslovne vede iz Ljubljane koji iznose 290 eura.

CCNA program Cisco akademije integriran u studijski program Inženjerska informatika


Inženjerska informatika je jedini studijski program takve vrste u BiH koji, u okviru svog nastavnog plana, studentima omogućava besplatno pohađanje programa Cisco akademije mrežnih tehnologija, čime se oni pripremaju za uspješno polaganje Cisco certifikata. Studenti Visoke škole eMPIRICA u okviru **lokalne Cisco akademije VS eMPIRICA**, a što je integrirano u sam studijski program, pohađaju i polažu četiri semestra Cisco akademije mrežnih tehnologija po CCNA programu, čime istovremeno dobijaju ocjene na odgovarajućim predmetima i stižu diplome Cisco akademije koje su jedinstvene u cijelom svijetu.

Cisco akademija mrežnih tehnologija je globalni edukacijski program koji polaznicima omogućava sticanje fundamentalnih ICT vještina u oblasti dizajna, izgradnje i upravljanja kompjuterskim mrežama, kao i sticanje drugih vještina potrebnih za razvoj karijere, kao što su rješavanje problema, timski rad i kritičko razmišljanje. Program je ustanovljen 1997. godine, jedinstven je u cijelom svijetu, i godišnje ga pohađa 900.000 polaznika.

Cisco certifikati su priznati u cijelom svijetu, jer garantuju posjedovanje praktičnih i teoretskih znanja neophodnih za kvalitetno projektovanje mrežnih sistema, njihovu uspostavu i održavanje u institucijama i firmama svih djelatnosti.

Akademija cjeloživotnog učenja eMPIRICA je u postupku registracije Persons VUE testnog centra koji je jedini ovlašten od strane Cisco-a za testiranje i izdavanje Industrijskog Cisco CCNA certifikata, tako da će studentima biti omogućeno polaganje ovog i drugih sličnih ispita u prostorijama Visoke škole eMPIRICA u Brčko distriktu.


Kao posebnu pogodnost želimo izdvojiti činjenicu



Studenti na vježbama

Denis Bećirović, student na daljinu, Poslovna informatika: eMPIRICA je evropski priznata visokoškolska ustanova

eMPIRICU doživljam kao jedno prijatno mjesto sa vrlo dobrom i dinamičnom atmosferom za učenje i sticanje obrazovanja. Pri upisu sam tražio fakultet koji mi može pružiti moderno i kvalitetno *up-to-date* obrazovanje na daljinu jer ne bih mogao prisustvovati redovnim predavanjima zbog poslovnih obaveza. Također je bitna činjenica da se na programu Poslovna informatika po završetku studija dobija dvojni diploma iz Evropske Unije, a na programu Inženjerska informatika besplatan CISCO CCNA program. Prisutna je i odlična i blagovremena komunikacija sa nastavnim osobljem koji su spremni da izađu u susret oko bilo kakvih problema vezanih za nastavu. eMPIRICA je evropski priznata visokoškolska ustanova koja je u potpunosti u skladu sa Bolonjom i poslije završetka studija možete nastaviti školovanje bilo gdje u EU. Ono što bih poručio budućim studentima je to da ako želite da osjećate da profesori, asistenti i zapravo cijeli fakultet postoji zbog vas, a ne vi zbog njega (kao sto je slučaj na većini državnih fakulteta), onda je Visoka škola eMPIRICA Vaš pravi izbor!



Denis Bećirović

da studentima studijskog programa Inženjerska informatika Visoka škola eMPIRICA finansira troškove edukacije u okviru lokalne Cisco akademije VS eMPIRICA koji iznose 2000 KM.

Visoka škola eMPIRICA zaista nudi više

Svim studentima Visoka škola eMPIRICA je obezbijedila dodatno Microsoft DreamSpark softverski paket razvojnih alata, koje studenti mogu besplatno koristiti tokom svog studija. Kada je o finansijskim aspektima riječ, ova Visoka škola nudi veoma popularan model

„4 za 3“ kojim svojim studentima ugovorom garantuje GODINU+, dodatnu godinu studiranja u slučaju obnove neke od studijskih godina, za koju ne plaćaju troškove školarine.

Uz mogućnost plaćanja školarine u 12 rata, model „4 za 3“, nagrada najboljim studentima, te mogućnost zaposlenja odmah nakon diplomiranja - jer su informatički stručnjaci jedini deficitarni kadar u cijelom svijetu, zaključujemo da Visoka škola eMPIRICA zaista nudi više te stoga predstavlja mudar odabir visokoškolske ustanove koja će vas pripremiti za prosperitetno buduće zanimanje.